

Član 6.
(Uputstvo)

- (1) Općinska izborna komisija donosi Uputstvo o provođenju izbora za članove savjeta mjesnih zajednica.
- (2) Komisija iz člana 5. ove Odluke, dužna je pridržavati se Uputstva iz stava 1. ovog člana.

Član 7.
(Naknada za rad)

- (1) Birački odbori imaju pravo na naknadu za svoj rad, koju utvrđuje Općinska izborna komisija Novo Sarajevo.
- (2) Naknada za rad članova Općinske izborne komisije Novo Sarajevo propisana je shodno Odluci o visini naknade za rad članova Općinske izborne komisije Novo Sarajevo.

Član 8.
(Verifikacija mandata)

- (1) Općinsko vijeće će donijeti Odluku o verifikaciji mandata članovima savjeta mjesnih zajednica na području općine Novo Sarajevo u roku od 30 dana od dana održavanja izbora.
- (2) Odlukom iz stava 1. ovog člana utvrdit će se dužina trajanja mandata, kao i prava i dužnosti izabranih članova savjeta mjesnih zajednica.

Član 9.
(Stupanje na snagu)

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 02OV-01-1-5057/23
09. juna 2023. godine
Sarajevo

Predsjedavajuća
Općinskog vijeća
Novo Sarajevo
Danijela Šahat, s. r.

Općinski načelnik

Na osnovu člana 14. i člana 15. stav (1) tačka b) Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06 i 51/09), člana 50. stav (1) tačka e) Statuta Općine Novo Sarajevo ("Službene novine Kantona Sarajevo", broj 5/20 - Prečišćeni tekst i 20/20 - Ispravka), člana 30. Odluke o izvršavanju Budžeta Općine Novo Sarajevo za 2023. godinu ("Službene novine Kantona Sarajevo", broj 2/23 i 19/23), a u vezi sa članom 4. Odluke o određivanju iznosa sredstava u budžetu Općine Novo Sarajevo za oblast sporta i za oblast kulturno - sportskih manifestacija ("Službene novine Kantona Sarajevo", broj 46/22), općinski načelnik, donosi

**PRAVILNIK
O POSTUPKU DODJELE SREDSTAVA IZ BUDŽETA
OPĆINE NOVO SARAJEVO ZA OBLAST SPORTA**Član 1.
(Predmet)

Ovim Pravilnikom uređuje se postupak i ostala pitanja u vezi dodjele sredstava iz Budžeta Općine Novo Sarajevo, za oblast sporta, a u skladu sa Odlukom o određivanju iznosa sredstava u budžetu Općine Novo Sarajevo za oblast sporta i za oblast kulturno - sportskih manifestacija ("Službene novine Kantona Sarajevo", broj 46/22).

Član 2.
(Oblast sporta)

Oblast sporta podrazumijeva pružanje podrške pravnim licima iz oblasti sporta, u svim sportskim disciplinama, sa ciljem popularizacije sporta i razvijanja zdravih stilova života među mladima, aktivnog uključivanja građana u bavljenje sportom i postizanja što boljih sportskih rezultata.

Član 3.
(Finansijski okvir)

- (1) Sredstva za finansijsku podršku na osnovu ovog Pravilnika, osiguravaju se u Budžetu Općine Novo Sarajevo, u skladu sa Odlukom o određivanju iznosa sredstava u budžetu Općine Novo Sarajevo za oblast sporta i za oblast kulturno - sportskih manifestacija, a realizuju se u skladu sa Odlukom o izvršavanju Budžeta Općine Novo Sarajevo.
- (2) Maksimalan iznos sredstava koji jedan korisnik može dobiti iznosi 50.000,00 KM.

Član 4.
(Postupak dodjele sredstava za oblast sporta)

Postupak dodjele sredstava za oblast sporta provodi se kroz realizaciju dva različita javna poziva, od kojih se jedan provodi u skladu sa Odlukom o načinu odabira i praćenju realizacije projekata nevladinih/neprofitnih organizacija po LOD metodologiji ("Službene novine Kantona Sarajevo", broj 49/15 i 6/20), a drugi u skladu sa odredbama ovog Pravilnika.

Član 5.
(Kategorija korisnika za oblast sporta)

- (1) Korisnici finansijske podrške za oblast sporta mogu biti:
 - a) sportski klubovi sa područja Općine Novo Sarajevo, koji se takmiče na međunarodnom, državnom, entitetskom ili kantonalnom nivou,
 - b) sportski klubovi sa područja Kantona Sarajevo koji se takmiče na međunarodnom ili državnom nivou,
 - c) reprezentativne i olimpijske selekcije/takmičari Bosne i Hercegovine koje se takmiče na međunarodnom nivou.

Član 6.
(Kriterij za oblast sporta)

- (1) Kriteriji koje korisnici iz člana 6. stav (1) tačka a) ovog Pravilnika, trebaju ispuniti, su sljedeći:
 - a) da su registrovani u Bosni i Hercegovini,
 - b) da imaju sjedište na području Općine Novo Sarajevo,
 - c) da su se takmičili minimalno tri posljednje takmičarske sezone (dvije godine) na međunarodnom, državnom, entitetskom ili kantonalnom nivou.
- (2) Kriteriji koje korisnici iz člana 6. stav (1) tačka b) ovog Pravilnika, trebaju ispuniti, su sljedeći:
 - a) da su registrovani u Bosni i Hercegovini,
 - b) da imaju sjedište na području Kantona Sarajevo,
 - c) da su se takmičili minimalno tri posljednje takmičarske sezone (dvije godine) na međunarodnom ili državnom, nivou.
- (3) Kriteriji koje korisnici iz člana 6. stav (1) tačka c) ovog Pravilnika, trebaju ispuniti, su sljedeći:
 - a) da imaju status reprezentativne/olimpijske selekcije/takmičara Bosne i Hercegovine,
 - b) da se takmiče na međunarodnom nivou.

Član 7.
(Javni poziv za oblast sporta)

- (1) Javni poziv se raspisuje za dodjelu sredstava na budžetskoj poziciji za koju je Odlukom o izvršavanju Budžeta Općine Novo Sarajevo, propisano da se realizuje u skladu sa ovim Pravilnikom.
- (2) Javni poziv raspisuje općinski načelnik u toku godine i ostaje otvoren do utroška planiranih sredstava, a najkasnije do 30.11. tekuće godine.
- (3) Javni poziv objavljuje se na web stranici Općine Novo Sarajevo i u jednim dnevnim novinama koje se distribuiraju na području Bosne i Hercegovine.

- (4) Javni poziv obavezno sadrži:
- Predmet,
 - Maksimalna visina sredstva koju jedan korisnik može ostvariti,
 - Kriterij/uslovi,
 - Potrebna dokumentacija,
 - Rok prijavljivanja,
 - Način prijavljivanja,
 - Način odabira korisnika,
 - Obavještanje prijavljenih kandidata,
 - Ostala pitanja.

Član 8.

(Komisija za odabir korisnika i postupak odabira korisnika)

- Komisiju za odabir korisnika, imenuje Općinski načelnik.
- Komisija za odabir korisnika, sastoji se od tri člana, koji su uposlenici Općine Novo Sarajevo.
- Služba za obrazovanje, kulturu i sport, pruža svu neophodnu administrativno tehničku podršku radu Komisije za odabir korisnika.
- Komisija za odabir korisnika, zadužena je da kontinuirano pregleda sve dostavljene prijave, utvrđuje ispunjenost propisanih uslova, predlaže iznose sredstava koji se dodjeljuju korisnicima koji su ispunili sve uslove i putem pisane obavijesti obavještava korisnike koji nisu ispunili uslove.
- Na obavijest kojom se prijavljeni korisnik obavještava da nije ispunio propisane uslove, moguće je uložiti prigovor Općinskom načelniku, u roku od 7 dana od dana prijema.
- Općinski načelnik o podnesenom prigovoru odlučuje u roku od 7 dana i o donesenoj odluci pismeno obavještava podnosioca prigovora.
- Općinski načelnik, na prijedlog Komisije za odabir korisnika, donosi Zaključak o odobravanju isplate sredstava.

Član 9.

(Regulisanje prava i obaveza)

Prava i obaveze između Općine Novo Sarajevo kao davaoca sredstava i korisnika kao primalaca sredstava, regulisat će se posebnim ugovorom/sporazumom.

Član 10.

(Direktna dodjela sredstava)

Javni poziv neće se provoditi za projekte koji se realizuju putem: JU Međunarodni centar za djecu i omladinu Novo Sarajevo, JP "ONSA", FK "Željezničar", udruženja koja su proglašena od interesa za Općinu Novo Sarajevo, putem Pravilnika o kriterijima i načinu odobravanja sredstava planiranih na budžetskoj poziciji "Podrška projektima, manifestacijama i programima po zahtjevima", za općinske manifestacije, školska i sportska takmičenja i za sve druge budžetske pozicije planirane u Budžetu Općine Novo Sarajevo za oblast sporta i za oblast kulturno - sportskih manifestacija, a za koje je Odluka o izvršavanju Budžeta Općine Novo Sarajevo, propisala drugačiji način realizacije.

Član 11.

(Pravdanje finansijskih sredstava)

- Odobrena finansijska sredstva moraju se utrošiti najkasnije do 31.12. tekuće godine.
- Korisnici kojima su dodijeljena finansijska sredstva na osnovu ovog Pravilnika, obavezni su najkasnije do 15.01. naredne godine, dostaviti narativni i finansijski izvještaj o utrošku dodijeljenih sredstava, sa pratećom finansijskom dokumentacijom.

Član 12.

(Stupanje na snagu)

Ovaj Pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 16-02-1-3021/23

14. juna 2023. godine

Sarajevo

Općinski načelnik

Dr. Hasan Tanović, s. r.

FEDERALNI ZAVOD ZA STATISTIKU

SAOPĆENJE

O PROSJEČNOJ ISPLAĆENOJ MJESEČNOJ NETO
PLAĆI ZAPOSLENIH U KANTONU SARAJEVO ZA
APRIL 2023. GODINE

- Prosječna isplaćena mjesečna neto plaća po zaposlenom ostvarena u Kantonu Sarajevo za april 2023. godine iznosi 1.535 KM.

Broj 26

19. juna 2023. godine

Direktor

Doc. dr. Emir Kremić, s. r.

PRIOPĆENJE

O PROSJEČNOJ ISPLAĆENOJ MJESEČNOJ NETO
PLAĆI UPOSLENIH U KANTONU SARAJEVO ZA
TRAVANJ 2023. GODINE

- Prosječna isplaćena mjesečna neto plaća po uposlenom ostvarena u Kantonu Sarajevo za travanj 2023. godine iznosi 1.535 KM.

Broj 26

19. lipnja 2023. godine

Ravnatelj

Doc. dr. Emir Kremić, v. r.

САОПШТЕЊЕ

О ПРОСЈЕЧНОЈ ИСПЛАЋЕНОЈ МЈЕСЕЧНОЈ НЕТО
ПЛАТИ ЗАПОСЛЕНИХ У КАНТОНУ САРАЈЕВО ЗА
АПРИЛ 2023. ГОДИНЕ

- Просјечна исплаћена мјесечна нето плата по запосленом остварена у Кантону Сарајево за април 2023. године износи 1.535 КМ.

Број 26

19. јуна 2023. године

Директор

Доц. др Емир Кремић, с. р.

ISPRAVKE

Na osnovu člana 131. Poslovnika Gradskog vijeća Grada Sarajeva ("Službene novine Kantona Sarajevo", broj 28/09, 11/20 i 19/20), nakon savjetovanja sa izvornikom, te uočenog tehničkog propusta u objavljenoj Odluci o davanju saglasnosti na Odluku o raspodjeli dobiti Javnog preduzeća "Sarajevo" d.o.o. za 2022. godinu ("Službene novine Kantona Sarajevo", broj 26/23), sekretar Gradskog vijeća Grada Sarajeva daje sljedeću

ISPRAVKU
TEHNIČKE GREŠKE

- U Odluci o davanju saglasnosti na Odluku o raspodjeli dobiti Javnog preduzeća "Sarajevo" d.o.o. za 2022. godinu ("Službene novine Kantona Sarajevo", broj 26/23), u članu 1. Odluke u petom redu iza riječi: "u članu" broj 1. zamjenjuje se brojem 2.